



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

A.nr.469/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Arsim Hamzaj - kryesuese, Kymete Kicaj e Skender Çoçaj - anëtarë, duke vendosur përkitazi me ankesa e subjektit politik Lëvizja Vetëvendosje (LVV), me seli në Prishtinë, paraqitur kundër subjektit politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës ,në seancën e panelit të mbajtur më datë 11.02.2025, merr këtë:

V E N D I M

Refuzohet e pabazuar ankesa e subjektit politik Lëvizja Vetëvendosje (LVV), me seli në Prishtinë, Anr.469/2025, të datës 09.02.2025, e paraqitur kundër Subjektit Politik Lidhja Demokratike e Kosovës (LDK) me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët për Zgjedhjet e Përgjithshme për Kuvendin e Republikës së Kosovës.

A r s y e t i m

Me datën 09.02.2025 PZAP-i, ka pranuar ankesën e identifikuar me numër A.nr.469/2025 , të datës 09.02.2025, nga subjekti politik Lëvizja Vetëvendosje (LVV). me seli në Prishtinë, në të cilat pretendohet se më datë 8 shkurt 2025, Qendra e Lëvizja Vetëvendosje (LVV), ka identifikuar statusin e kryetarit të Prishtinës nga rradhet e subjektit politik LDK, Perparim Rama që ka berë thirje duke shkruar “DIASPOR E DASHUR”. Të nderuar qytetarë të respektuar bashkëkombës, Sot, më shumë se kurrë, është e rëndësishme të rikthejmë vlerat mbi të cilat është ndërtuar shteti ynë: Respektin për sakrificën e atyre që luftuan për lirinë tonë - JO ofendime dhe mohime të sakrificës së tyre! Ata që dhanë jetën dhe u flijuan për këtë vend meritojnë nderim dhe mirënjohje të përjetshme, jo fyerje dhe urrejtje. Respektin ndaj atyre që ndërtuan institucionet e këtij shteti - JO përqeshie dhe nxitie të përçarjes! Kosova nuk u ngrit nga askund por mbi mundin, dijen dhe vizionin e atyre që ndërtuan themelet e saj, dhe askush nuk ka të drejtë t'i përbaltë këto arritje. Forcimin e familjes si shtylla themelore e shoqërisë sonë dhe mbrojtjen e individualitetit si vlerë e patjetërsueshme -

JO imponim ideologjik dhe propagandë totalitare! Kosova është dhe duhet të mbetet një vend i lirë, ku qytetarët nuk uniformohen, nuk ndjekin verbërisht individin dhe nuk bien pre e politikave që kërkojnë nënshtrim e jo mendim të lirë. JO bereta të kuqe, JO "Baba"! Të besojmë në një Kosovë të ndërtuar mbi vlera të qëndrueshme, mbi respekt dhe dinjitet, jo mbi përçarje, mohim e manipulim! Nuk kemi ardhur këtu për të ndarë njerëzit, për të përçarë qytetarët apo për të përdorur gjuhën e urrejtjes dhe fyerjeve. Nuk duhet të jetë Politika si një arenë hakmarrjeje, por si një mision për të ndërtuar një të ardhme më të mirë për të gjithë, Fatkeqësisht, ata që sot e mbajnë pushtetin e kanë dëshmuar të kundërtën, pa një program për qytetarët, vetëm përçarje, përqeshje etiketime dhe ofendime. Ata nuk kanë ndërtuar, por kanë bllokuar! Projektet madhore të kryeqytetit dhe të shumë komunave të tjera janë bllokuar nga qeveria, jo për arsye profesionale apo ligjore, por për inate politike. Në vend që të punonin për zhvillim, ata kanë penalizuar qytetarët, duke i ndaluar investimet që do të përmirësonin jetën e secilit prej jush. Kemi humbur projekte të mëdha për shkak të paaftësisë dhe izolimit që kjo qeveri i ka shkaktuar Kosovës në arenën ndërkombëtare. Nuk ka asnjë dyshim: marrëdhëniet tona me miqtë tanë, me ata që gjithmonë na kanë mbështetur, janë dëmtuar rëndë. Për herë të parë në historinë e Kosovës, asnjë zyrtar i kësaj qeverie nuk është ftuar e as takuar nga partneri ynë më i madh strategjik - Shtetet e Bashkuara të Amerikës. Kjo është e papranueshme! Kjo është një goditje e rëndë për shtetin dhe qytetarët tanë, për të ardhmen tonë. Shteti nuk mund të ecë përpara me njerëz që nuk dinë të udhëheqin, që nuk kanë vizion dhe që e shohin politikën si një lojë hakmarrjeje. Këtë popull nuk duhet ta mbajmë nën frikën e armikut të jashtëm e të brendshëm! Duhet të rikthejmë besimin, të hapim rrugën për zhvillim dhe të forcojmë themelet e një shteti që respekton sakrificën e së kaluarës dhe ndërton një të ardhme të sigurt për të gjithë. Prishtina po ecë para me realizim rekord të buxhetit, me vizion e mision, përkunder sfidave. T'i ndihmojmë edhe Kosovës nesër me votën tuaj të çmuar. Me tutje ne ankes theksojm se kryetari i Prishtines nga radhët e LDK, me këto veprime ka bërë shkelje të nenit 34, paragrafi 1, nen paragrafi 1.11 te LZP-së, në Republikën e Kosovës. Si provë ankesës ja ka bashkangjitur linkun e postimit në facebook.

Në përgjigjen në ankesë të subjektit politik Lidhja Demokratike e Kosovës (LDK), theksohet se, pretendimet ankimore të ankuesit dhe provat e bashkangjitura të ankesave me pretendimin se Kryetari në fjal se ka bërë shkelje, në asnjë rrethanë ligjrisht nuk qendron, me tutje theksojm se nuk ka të bëjë me asnjë formë të gjuhës nxitëse, provokuese që mund të dërgon në akt dhune kundër personave tjera apo pasuris, dhe se i njëjti u është drejtuar qytetarvë të Prishtines, dhe se heshtja zgjedhore ka vlejtur më 9 shkurt nga ora 07:00 deri në ora 19:00. Poashtu në përgjigje në ankesë theksojm se përdorimi i fjalëve të tilla në postime publike është pjesë e normave të diskursit politik dhe është i nevojshëm për tu vlersuar dhe analizuar qëndrimet e garuesve dhe opinonet e tyre në politikë ashtu që në menyrë të drejtë dhe pa qëllime të tjera, andaj nëse analizohet fjalë për fjalë postimi i kryetarit në fjalë në asnjërin nga to nuk ka të bëjë me gjuhë provokuese, nxitëse apo urrejtje. Kërkojnë nga PZAP-i, që të refuzohet ankesa në fjalë.

PZAP-i, pasi që shqyrtoj dhe vlerësoi pretendimet ankimore gjeti se:

-Ankesa është e pabazuar

Paneli, pas shikimit të shkresave të lëndës dhe provave materiale të bashkangjitura, ka gjetur se kryetari Perparim Rama ka shpërndarë një postim në rrjetin social Facebook, me tekst shoqëruar, në të cilën ka deklaruar "Diaspor e Dashur ". Sot, më shumë se kurrë, është e rëndësishme të rikthejmë vlerat mbi të cilat është ndërtuar shteti ynë: Respektin për sakrificën e atyre që luftuan për lirinë tonë - JO ofendime dhe mohime të sakrificës së tyre!, Paneli vlerësoi se në rastin konkret nuk kemi të bëjmë me asnjë formë të gjuhës së urrejtjes, nxitjes, apo provokuese sepse i njëjti ka bërë thirrje qytetarve të Prishtinës, për të votuar, andaj nuk mund të konsiderohet se është në kundërshtim me nenin 34 pika 1, nenoragrafi 1.11, e LZP-së, në të cilin nen në mënyrë shprehimore thuhet se: *"Gjatë periudhës së fushatës, subjekti politik, mbështetësit ose kandidatët e tij, ndalohen nga bërja e ndonjëres si në vijim: 1.11) përdorimi i gjuhës, në formën e shkruar ose gojore, që nxit ose provokon, ose që mund të nxisë ose provokojë, një person tjetër për të kryer një akt të dhunës kundër personave tjerë ose pasurisë, ose e cila nxit apo mund të nxisë urrejtje kundrejt të tjerëve ose duke publikuar ose përdorur fotografi, simbole ose çfarëdo materiali tjetër që ka ose mund të ketë ndikim të tillë"*.

Paneli pas shikimit të shkresave të lëndës dhe përgjigjes në ankesë të paraqitur nga subjekti politik LDK, vlerësoj se pretendimet e subjektit politik Lëvizja Vetëvendosje, janë të pa qëndrueshme dhe si të tilla i refuzoj për faktin se veprimet e përshkruara në ankesë nuk paraqesin shkelje të dispozitës së nenit 34 paragrafi 1 nën paragrafi 1.11, të LZP-së, me të cilën përcaktohet: *"Gjatë periudhës së fushatës, subjekti politik, mbështetësit ose kandidatët e tij, ndalohen nga bërja e ndonjëres si në vijim: përdorimi i gjuhës, në formën e shkruar ose gojore, që nxit ose provokon, ose që mund të nxisë ose provokojë, një person tjetër për të kryer një akt të dhunës kundër personave tjerë ose pasurisë, ose e cila nxit apo mund të nxisë urrejtje kundrejt të tjerëve ose duke publikuar ose përdorur fotografi, simbole ose çfarëdo materiali tjetër që ka ose mund të ketë ndikim të tillë"*.

Pretendimet ankimore të parashtruesit të ankesës lidhur me shkeljen e pretenduar nga ana e subjektit politik ankues, Paneli i vlerësoj se janë të pa qëndrueshme dhe si të tilla i refuzoj, për faktin se veprimet e përshkruara në ankesë nuk paraqesin ndonjë nga shkeljet e pretenduara, kjo pasi që kryetari Perparim Rama ka shpërndarë një postim në rrjetin social Facebook, me tekst shoqëruar, në të cilën ka deklaruar *"Diaspor e Dashur. Sot, më shumë se kurrë, është e rëndësishme të rikthejmë vlerat mbi të cilat është ndërtuar shteti ynë: Respektin për sakrificën e atyre që luftuan për lirinë tonë - JO ofendime dhe mohime të sakrificës së tyre"*, që sipas vlerësimit të Panelit është në përputhje me diskursin e fushatës zgjedhore dhe i njëjti nuk ka fyer, degraduar apo nxitje të urrejtjes ndaj subjektit politik Vetëvendosje dhe nuk përbën shkelje të rregullave zgjedhore.

Paneli me rastin e shikimit të shkresave të lëndës, vlerësoi se ankesa është e pabazuar pasi që nga provat e ofruara si dëshmi të cilat parashtruesi i ankesës i ka bashkangjitur si dëshmi, nuk mund të vërtetohet se është kryer shkelja e pretenduar për të cilën referohet pala ankuese. Andaj duke u mbështetur në nenin 1 17.3 të LZP-së ku përcaktohet se: *"Vendosja për ankesat nga PZAP-ja mbështetet në dëshmi të qarta dhe bindëse"*, Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se nga veprimet e përshkruara në ankesa dhe nga provat e ofruara si dëshmi parashtruesi i ankesës nuk ka arritur që të vërtetoj pretendimet e theksuara si më lart.

Nga arsyet e theksuara më lartë dhe duke u bazuar nënin 117 par. 3, lidhur me nënin 118 pa. 1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa
A.nr.469/2025 më datën 11.02.2025

Kryesuese e Panelit
Arsim Hamzaj



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.